

Nu geiht dat Lücht ut – Corona is en groot Malöör

Kino! Wo geern bün ik froher in 't Kino gahn. Wat hett mi dat Spaas maakt! De Filmklassiker „Dat Dschungelbook“ hebb ik as Kind mit en gode Fründin in 't Leeder Kino ankeken. Ja, dat is de eerste Kinofilm, up de ik mi noch besinnen kann. Nahderhand sünd daar natürelk noch en Stück of wat Films bikomen. Ok Titanic gaff dat för mi in 't Kino to sehn. Dat was denn aver al 1998.

KOLUMNE

Moin, Moin
Schrievers moinje
allerbest hoop
Pläseer **Spraak** vertellsel
Smüstern

Platt maakt

In Leer gaff dat ja tiskendör maal kien Kino, umdat dat daar in brannt harr. De een of anner weet dat seker noch. So sünd de Lüü, de geern Kinofilms ankieken wullen, denn na Emden of Auerk fahren. Ik ok. Nahderhand, as ik denn in Hambörg leven dee, harr

ik mi elke Dag Kinofilms ankieken kunn. Daar gaff dat so vööl Mögelkheiden un so vööl Utwahl! Films in Originalspraak. Films mit Uneritels. Elke Dag Filmklassikers. Wat een hebben wull, dat gaff dat daar. Deelwies kunn man sogaar in de Hoogschool un in de Parks Kinofilms ankieken.

Man vandaag is dat allen bieje anners. Dat Internett un de Streamingdeensen maken de Kinos dat Leven stuur. Un nu noch vööl leper: Corona. An Kino is upstünds neet mehr to denken. De Kinos in Düttskland hebben sloten. Umdat dat de Lüchtspööhusen siet Jahr un Dag al neet besünners good geiht, is Corona nu en heel groot Malöör för de Minsken, de de Kinos bedrieven. Wo dat för hör wiedergeiht? Dat is de grote Fraag. Ik will hope, dat de Politikers disse Branche neet ut de Ogen verlesen.

An normaal Kinobedriev is upstünds neet to denken. Man de Lüü, de geern in 't Kino gahn, de können upstünds up de Autokinos utweken. Daar giff dat in Düttskland blot noch en Handvull van. De sünd aver



Antje Lübben

in Coronatieden nu weer in Mood komen. Heel na de Coronaregels diren ok hier blot Minsken ut een Haushollen plus een anner Person in dat Auto sitten. De Platz in dat Autokino word anwesen un dürt neet freei utsöcht worden. Buten mutten de Lüü natürelk ok hör Snutenpulli dragen. Wat man all lehrt, wenn een sük maal för Autokinos interesseren deit!

Ik hebb noch nooit in en Autokino west. Ji wall? Dat harr för mi alltied so en Nostalgiegefühl van de 1950er un 1960er Jahren. Even kieken, wat nu in Coronatieden noch weer in Mood kummt.